

**AWIG - AWIG
DESA ADAT BATUAJI**



SRI RAMA KERTHA

DESA ADAT BATUAJI

**DESA BATUBULAN KANGIN
KECAMATAN SUKAWATI
KABUPATEN DATI II GIANYAR
19 Mei 1991**

**AWIG - AWIG
DESA ADAT BATUAJI**



SRI RAMA KERTHA

DESA ADAT BATUAJI

**DESA BATUBULAN KANGIN
KECAMATAN SUKAWATI
KABUPATEN DATI II GIANYAR
19 Mei 1991**

M U R D H A C I T T A

OM AWIGHNAMASTU NAMA SIWA NAMA BUDDHAYA

Om Swastyastu

Sangkaning asung kreta wara nugraha Sanghyang Widhi
Wasa, miwah Ida Bhatara sami, sadulur lawan idep suci nirmala
tan pateleteh, madasar paras-paros, gilik seguluk, salunglung
sabayantaka sajeroning pasaban, dumugi prasida kasurat Awig-
awig puniki.

Mungging tatuwek angripta Awig-awig puniki, wantah kaanggen
pamahayuning Desa Adat, ngupadi Santha Jagaddhita.

Mogha riwastu kasidan prayojanan mami kabeh, prasida
angidep mwang amagehaken linging Awig-awig iki.

Om Çanti,Çanti, Çanti Om

	MURDHA GITTA	
SARGA I	ARAN LAN WEWIDANGAN DESA ADAT	
SARGA II	PATITIS LAN PAMIKUKUH	
SARGA III	SEKERTA TATA PAKRAMAN	
	Palet 1 Indik Krama	2
	Palet 2 Indik Prajuru Desa	4
	Palet 3 Indik Kulkul	5
	Palet 4 Indik Paruman	6
	Palet 5 Indik Druwen Desa	8
	Palet 6 Sukerta Pamitegep	9
	Kaping 1 Karang, Tegal lan Carik ..	9
	Kaping 2 Pepayonan	10
	Kaping 3 Wewangunan	10
	Kaping 4 Wewalungan	11
	Kaping 5 B h a y a	11
	Kaping 6 Panyanggran Banjar	13
SARGA IV	SUKERTA TATA AGAMA	
	Palet 1 Indik Dewa Yadnya	13
	Palet 2 Indik Resi Yadnya	16
	Palet 3 Indik Pitra Yadnya	16
	Palet 4 Indik Manusa Yadnya	21
	Palet 5 Indik Bhuta Yadnya	22
SARGA V	SUKERTA TATA PAWONGAN	
	Palet 1 Indik Pawiwahan	23
	Palet 2 Indik Nyapian	25
	Palet 3 Indik Sentana	27
	Palet 4 Indik Warisan	29
SARGA VI	WICARA LAN PAMIDANDA	
	Palet 1 Indik Wicara	31
	Palet 2 Indik Pamidanda	31
SARGA VII	NGUWAH NGUWUHIN AWIG AWIG	
SARGA VIII	P A M U P U T	

PIDAGING MAKA BANTANG AWIG AWIG DESA ADAT BATUAJI

Widang.

	MURDHA CITTA	
SARGA I	ARAN LAN WEWIDANGAN DESA ADAT	
SARGA II	PATITIS LAN PAMIKUKUH	
SARGA III	SEKERTA TATA PAKRAMAN	
	Palet 1 Indik Krama	2
	Palet 2 Indik Prajuru Desa	4
	Palet 3 Indik Kulkul	5
	Palet 4 Indik Paruman	6
	Palet 5 Indik Druwen Desa	8
	Palet 6 Sukerta Pamitegep	9
	Kaping 1 Karang, Tegal lan Carik ..	9
	Kaping 2 Pepayonan	10
	Kaping 3 Wewangunan	10
	Kaping 4 Wewalungan	11
	Kaping 5 B h a y a	11
	Kaping 6 Panyanggran Banjar	13
SARGA IV	SUKERTA TATA AGAMA	
	Palet 1 Indik Dewa Yadnya	13
	Palet 2 Indik Resi Yadnya	16
	Palet 3 Indik Pitra Yadnya	16
	Palet 4 Indik Manusa Yadnya	21
	Palet 5 Indik Bhuta Yadnya	22
SARGA V	SUKERTA TATA PAWONGAN	
	Palet 1 Indik Pawiwahan	23
	Palet 2 Indik Nyapian	25
	Palet 3 Indik Sentana	27
	Palet 4 Indik Warisan	29
SARGA VI	WICARA LAN PAMIDANDA	
	Palet 1 Indik Wicara	31
	Palet 2 Indik Pamidanda	31
SARGA VII	NGUWAH NGUWUHIN AWIG AWIG	
SARGA VIII	P A M U P U T	

SARGA I

ARAN LAN WEWIDANGAN DESA ADAT BATUAJI

Pawos 1

- (1) Desa Adat puniki mawesta Desa Adat Batuaaji
- (2) Jebar kakuwub wewidangenne mawates nystur :
- a. Sisi Wetan ring Desa Adat Batuyang
 - b. Sisi Kidul ring Desa Adat Batuyang
 - c. Sisi Kulon ring Desa Batubulan
 - d. Sisi Lor ring Desa Adat Celuk
- (3) Desa Adat puniki kawangun antuk kerang ayahen Desa, turmas-ning ngawidengin e Banjar sinanggeh Banjar Batuaaji.

SARGA II

PATITIS LAN PAMIKUKUH

Pawos 2

- Desa Adat Batuaaji ngemanggeheng pamikukuh minakadi :
- a. Panca Sila
 - b. Undang - undang Dasar 1945 pemekas pasal 18
 - c. Perda. Prop. Tk. I Bali No. 06 Th. 1986
 - d. Tri Hita Karana manut Sada cara Agama Hindu.

Pawos 3

Luwir Patitis Desa Adat Batuaaji :

- a. Mikukuhin ngrajegang Sanghyang Agama.
- b. Nginggilang tata prawertine magama.
- c. Ngrajegang kasukerten Desa Sahe pawongannya sakala lan niskala .

SARGA

SARGA III

SUKERTA TATA PEKRAMAN

Palet 1

Indik Krema

Pawos 4

(1) Sane kebawos Krema Desa Adat inggih punika kulawarga sane magama Hindu saha ngamong karang Desa miwah karang guna kaya saha jenek mapaumshan ring Desa Adat wewidangan Desa Adat Batusaji.

(2) Sajaba punika sinanggeh temiu.

Pawos 5

(1) Krema Desa wenten 5 (limang) pawos, luwire :

- a. Krema ngarep, kulawarga sane ngamong karang.
- b. Krema pangampel, kulawarga sane ten ngamong karang.
- c. Krema belu, kulawarga sane katinggalin seds olih lanang utawi istrinnyane, utawi pecak sangkening nyapian.
- d. Krema tapukan, kulawarga manut aksara a utawi b ring ajeng sakewanten durung antes ngayah, manut perarem.

Pawos 6

(1) Kawit dados Krema Desa Adat :

- a. Sangkenin ngamong karang.
- b. Mawiwit pawiwahan.

Pawos 7

(1) Panemayen tedun makrama Desa Adat :

- a. Ngawit jenek mapaumshan sangkening ngamong karang.
- b. Ngantos sasih kesangen sangkenin pawiwahan.

Pawos 8

(1) Sshenen Krema Desa Adat sama keni tetegenan (ayah-ayshen), luwire :

- a. Krema ngarep keni urunan, rerampen miwah aysh-ayshen mamungkul;
- b. Krema pangampel keni urunan miwah aysh-ayshen mamungkul luput rerampen;

c. Krama batu :

1. Batu pangarep keni urunan saha rerampen mamungkul, saha eyahan manut kawentenan batu inucap
 2. Batu pangempel ten keni tetegenan.
- d. Krama tapukan :

1. Tapukan pangarep, keni urunan rerampen mamungkul, sakewanten luput ayah
2. Tapukan pangempel ten keni tetegenan.

X e. Krama pamungluen :

1. Sane makarang, keni urunan miwah rerampen mamungkul, luput ayah sajroning limang warsa
2. Sane ten makarang ten keni tetegenan.

X f. Prade rikalanin ngayah wenten sinilih tunggil krama matilar sadereng puput karya, wenang krama inucap keni pavidanda tanjak Isler kawastanin , agung alit danda manut pararem.

Pawos 9

(1) Krama Desa Adat kadedosang :

- a. Mepuwangkid utawi ten tedun ngayah :
1. Rikala ngerabih , metepetin sungken, sungken, wetonan, kaluwasan, mayadnya, manut pararem.
 2. Kenglin wantah episan, sajawaning wenten uk-ukakan Prajuru manut pararem.
- b. Nyade utawi nyuksukin, tur sane kawenengang risempun mungguh Dehe Teruna, tur mrasideyang ngabutin krama, manut pararem.
- c. Nutug ayah antuk artha brana manut paetangan, riantukan kapisalang, manawi kejudi olin sang mawangrat utawi ke-luasan 3 (tigang) rahine utawi langkungan, manut pararem.

Pawos 10

(1) Musan dedos Krama Desa Adat, luiré :

a. Sangkanin :

1. Pinunas ngraga, manawi kesah kadura Desa utawi nglengkungin segara.
 2. Kenoreyang, duanin sampun tan presida ngeahin solah maprawerti satata lempas kecaping awig-awig.
- b. Sang wusan makrama :
1. Patut ngetueng ayahan ke Desa, prade kerang punika kerang Desa.
 2. Tan polih psh-pahan sangkening padruwen Desa, sajawaning wenten pararem tios.

Palet 2

Indik Prajuru Desa

Pawos 11

- (1) Desa Adat Batujati kaenter olih Bendesa Adat.
- (2) Banjar utawi Tempekan kaenter olih Kelian Banjar/Kelian Tempekan.
- (3) Bendesa lan Kelian Banjar patut :
 - a. Mawiwit saking krema sampun mawiwahe.
 - b. Kesedegan melarapan antuk kacatri olih parumannya soang-soang nyabran 5 (limang) warsa, sajawaning wenten parindiken sewos tur dados kacatri melih.
 - c. Uning nyurat miwah ngewacen aksara bali miwah latin, kautamayang sane uning ring indik Agama lan Adat.
 - d. Maduluran Dewa seksi ring Pura Bale Agung.

Pawos 12

- (1) Bendesa Adat kesanggre olih :
 - a. Patajuh utawi Pangliman pinaka wakilnya.
 - b. Panyerikan pinaka juru surat.
 - c. Patengen pinaka juru rekse druwen Desa.
 - d. Kasonoman pinaka juru arah.
- (2) Kasinoman akehnia manut kawigunan saha magilir nyabran sas...
- (3) Sajeroning ngenterang kesukertan niskala, Bendesa mingsing-gihan Pamangku Kehyangan Desa miwah para Sulinggih.

Pawos 13

(1) Swadarmarin Bendesa Adat, luire :

- a. Ngenterang pamargin awig-awig miwah pararem Desa.
- b. Nuntun tur ngenterang krema rawuhing krema Desa ngupadi
menut petitis.
- c. Mawosin kelih niwakang pamutus marep ring wicara krema
Desa.
- d. Make duta Desa Matemuang bawos ring sapesira ugi.

(2) Prade Prajuru iwang sesana keni pamidanda nikel ring kaiwa-
ngan soang-soang krema.

Pawos 14

(1) Patias utawi olih-olihan Prajuru Desa Adat, luire :

- a. Luput papeson rikala wali ring Kahyangan Desa.
- b. Polih tending tengah.
- c. Polih upon pecatu/pelsba carik.
- d. Patias sewosan menurut pararem.

Pawos 15

(1) Prajuru Desa Adat kagentosin riantukan :

- a. Seda.
- b. Kanorayang dwaning iwang sesana.
- c. Wit sangkening pekayun rahayu utawi pinunas ngeraga.

(2) Ngenorayang utawi ngentosin Prajuru patut sejeronin paruman
turksingkupin antuk Krema Desa.

Palet 3

Indik Kulkul

Pawos 16

(1) Kulkul ring Desa, luire :

- a. Kulkul Desa, b. Kulkul Banjar, c. Kulkul Tempekan-tempe-
kan, d. Kulkul Sekaa-sekaa.

(2) Tabuh tetepakan Kulkul ring Desa miwah Banjar.

- a. Tengeran Upacara, bulan kepangan, surya gra : nungting/
kulkul bedil.

b. Tengeran tedun ngayah utawi Paruman : kelih tuludan lambat.

c. Tengeran ngewangdeang kekaryan : stuludan lambat.

(3) Tabuh tetepakan Kulkul ring Banjar :

a. Tengeran ngembasang putra : kalih kelentungan lambat.

b. Tengeran sinalih tunggil krama mawihaha : tigang klen-
tungan.

c. Tengeran sinalih tunggil krama padem/seda : limang klen-
tungan.

d. Tengeran wargane katibening jiwa baya, kaplegandangan,
kaemuk; stuludan bulus.

e. Tengeran krama katibenin erta bhaya, kemalingan, kabegal,
kabsak : kalih tuludan bulus.

f. Tengeran krama katiben geni bhaya miwah toys bhaya :
tigang tuludan bulus.

g. Tengeran naban wewalungan : petang klen-
tungan.

Pawos 17

(1) Kulkul Desa utawi Banjar tan wenang katepek yenin tan sang-
kanin pituduh prajuru, sajawanin tengeran bhaya.

(2) Sang nepak tan sangkanin pituduh prajuru patut digelis atur
supeksa maka bustan panepake, yan tan asapunika wenang sang
memurug keni pamidanda manut pararem.

(3) Kulkul seksa-seksa utawi kulkul pondokan-pondokan tan kalu-
gra nyawerin (metehin) sukat utawi tengeran kulkul Desa/
Banjar, prade memurug teler keni pamidanda manut pararem.

Palet 4

Indik Peruman

Pawos 18

(1) Peruman /sangkepan ring desa Adat Batueji, wenten :

a. Peruman Desa/Banjar, kawentenang :

1. Nyabran ngasasih, cihna tanpa arah-arah, reh sampun
panamaya : Sangkepan Desa ritatkala Buda Cemeng
sangkepan Banjar ritatkala Tumpek.

2. Pedagoga kalar (napkalar) maka jalaren arah-arrah manut tatujon .

- b. Sengkepan Prajuru kewentengan manut wigunga.
- c. Paruman Seksa-seksa manut pabuat.

(2) Paruman Desa utawi Banjar madudonan sakadi ring sor :

- a. Prasida lumaksana risampune katedunin olinh sang patut miletin, kamaneggala antuk tenggeran kulikul, miwah mabusana nyelompok, saha tan kalugra makta gegawan sakelahre, Tan mareh ngaracana ring Ida Bhagawan Panerirken, maka serana Widhi Widana cane.

- b. Mako sarana jonggi, pangawit kelaksaneyang panyecak sepapan, saha risuasanng nyecak dadosan gung alit manut pararem.

- c. Tan kalugra ngawetuang suara Gora utawi byots, yan wenten asapunika keni pamidanda bea penyamil kadi dandaning ngumanuman ring sabha.

- d. Pamutus babawos berliuk sapanggul (ingkup) punika kawang-gehang.

(3) Prede pidagging paruman tan kelingkupin mangda Prajuru Desa ngiliking bebawos, saha pamutusngya mangda kararemin olinh Krama Desa, bilih tan prasida kasungkemin jantos ping tiga Prajuru Desa wenang nunas bewos ring Sang Mhawe wenang.

Pawos 19

(1) Saferontin, paruman Desa, Bendesa patut nyobyehang pamargin ngenterang Desa Pamakas nganinin indik :

- a. Munjuk lungsuring pakraman miwah ayah-ayahen, sulur arta berana druwen Desa.
- b. Rencana Prajuru Desa nganinin utsaha Desa.

(2) Pamutus paruman Desa sinanggeh pararem maka pamitegep Awig-awig.

Pawos 20

(1) Sengkepan Prajuru Desa kewenangan wantah ngriincikang pangrencana Desa Kapungkur.

- (2) Sangkepan Prajuru Desa tan kawenang kewenang ngedaleng tategenan ring krama sadereng kalingkupin olih krama Desa.
- (3) Pamutus sangkepan Prajuru Desa ngawetuang paswara, maka pi-daging pituduh sang ngawe wenang utawi ngonokang pecak pararem Krama Desa.

Palet 5

Indik Druwen Desa

Pawos 21

- (1) Padruwen Desa Adat Batunaji sekadi ring sor :

a. Kahyangan Desa, luhre :

1. Pura Kahyangan Tiga : Pura Puseh, Pura Desa miwah Pura Dalem.

2. Pura Pangulun Desa (Pura Alit)

3. Panyungsungan Ratu Gde.

b. Bale Banjar/Desa Adat Batunaji.

c. Bale Los ring Jaba Pura Dalem.

d. Tanah Tegel (Karang Umah Anyar) mangge rikala pitra Yadnya.

e. Karang Desa munjuk lungsur saking 67 karang eyehan Desa.

f. Setra-setra, mekadi setra rare miwah Setra Pangarep.

g. Pelaba Pura , carik melinggah 62 ara, carik bukti Mangku

Puseh melinggah : 31 ara, carik bukti Bendesa Adat melinggah-
14 ara.

h. Belanguan, mekadi tatabuhan lan ilen-ilen padruwen Desa,

luhre :

1. Gong druwen Desa, magenah di Gede.

2. Ilen-ilen wali Pura mekadi : Rejang lan pendet.

3. Lan padruwen Desa sewosan.

Pawos 22

- (2) Pihlih-pihlihan Desa Adat Batunaji, luhre :

a. Pihlih-olihan saking upon-upon pelaba Pura.

b. Urunan Krama Desa Adat.

c. Paice saking Guru Wisasa.

d. Utseha Desa

e. Miwah paice-paice tiosan sane patut.

Pawos 23

- (1) Prajuru Desa wenang ngetegang pamupon laba Pura lan sapa-nunggalan druwen Desa.
- (2) Pikolih lan Pamuponnya kaanggen prebiya piodalan miwah we-wangunan ring Pura.
- (3) Nyabran pasangkepan Desa, Prajuru ngetangan pariindik mun-juk lungsur padruweyan ringKrama Desa.
- (4) Sakeluirin druwen Desa patut wenten ilikitenya.
- (5) Ten kelugra ngadol utawi ngeshang padruweyan Desa yan ten kasungkemin antuk Krama Desa.

Palet 6

Sukerta Pamitegep

Keping 1

Karang, Tegel lan carik

Pawos 24

- (1) Krama Desa pangamong Karang Desa (tanah sane tan keni tige-sane) patut ngawetesi karang inucap antuk pagehan/turus utawi tembok mangda pakentenannya asri.
- (2) Wates sisi kaler miwah sisi kengin patut kekaryanin olih sang ngamong karang ayahan inucap, sane mewasta gegaleng kaluwan, sejewaning tanah pasatu, tegel carik utawi tanah padruweyan ngeraga, sane kapiara watese sisi Kelod miwah sisi Keuh, reh punika mawasta gegaleng kateben, utawi manut dresta.
- (3) Prade karasayang pagehan/turus inucap ngalikedin, yan pada arsa panyandinge, kengin watese nganggen pinget kewanten kesaksinin olih Prajuru Desa utawi prasihne patok saking sang ngawewenang.
- (4) Prade wenten karang kabebeng utawi mbet mangda kautsehayang wenten pamarginnya miwah pangutangan toya.

Pawos 25

- (1) Sinelih tunggil Krama Desa/Banjar tan kelugra :
e. Ngalah-alah mergi, tegel ayahan Desa, karang Desa, lsp.

b. Ngalah - alah tanah, laggih kabayang, tegak setra, lao
sahenean genah ahinggeh suat.

(2) Prade wenten sakali ping ejang, sang ngalah patut ngawali-
ang tanah luucap saha keni pamianda nepatutnya, kedulurin
upacara ping pengalah laggih suat.

Kapling 2

P o p a y o n a n

Pawos 26

(1) Ngawit nandur pepayonan tanem tuwuh patut adapa egung (kalih-
meter) ngajerosng sakeng wates, prade janton ngalimat wates
wenang kesapat gantungin.

(2) Yenin wenten tetanduran ngungkulin, samalhe mawatu mayandin
kapsaga patut kawara entuk palguman ping ejang prasida sang
nruwenang wit ngerebah utawi notor tetanduran luucap.

(3) Prade sampun kawara taler tan-wenten utasaha sang nruwenang
wit sang rumaksa keteteahan/kejerihan wenang mesadok ring
Prajuru Desa, tur risampune kaparitetas kelugra ngicolan wit
luucap (sakewanten patin pepayonan patut ketakur manut pe-
ngelokike sang nepasin)

(4) Sang keni pamianda penyagsakara saha prebiya manut pararam
arap ring wewangunan sang kerubuhan, laire :
a. Sang nruwenang wit sinengeh mayaning, prade pungkut ngaw-
rubuhin wewangunan Krama sias.

b. Sang notor, munggul utawi ngerebah taru tur ngarubuhin
Krama sias.

(5) Krama Desa patut ngamanggahng kawerdian tanem tuwuh sene
ngawinang Desane asri.

Kapling 3

W e w a n g u n a n

Pawos 27

(1) Nyabren ngawangun patut :

a. Masadok ping Prajuru Desa, ping ejang prade wewangunan
ngawinln Bates.

b. Ngeunge Asta Bhumi miwah gegulak Asta kosela-kosali, sanistane manut ring patitis niakala.

c. Ten nyeyubin kapiage.

- (2) Prade nwangunen nyentos nyeyubin bilih-bilih tembok ring telengin wates, risampun kawere tur kasadokan ring prejuru, wenang keni pasidanda manut pareres saha tembok inucap keguber utawi sanistane mangla kekaryaneug abangan.

Keping 4

Wewalungan

Pawos 28

- (1) Sehanan krema Desa sane masiara wewalungan (bewi risampun sebelas, utawi benteng lap. sampun meblebet teli), patut seyege nitenin negul/nglogor mangla ten agrucakin kereng utawi pebiysan Krema tios, bilih-bilih jentos ngrenjing ngeletchin Khayangen.
- (2) Prade wenten wewalungan malumber utawi ngeleb agrucakin pekerengen/pebiysan Krema tios, risampun kawere kengia kataban tur keni pasidanda ngewalieng wit sane kerusak saha naur penebas enut panglokika Prejuru Desa.
- (3) Prade jentos ngeletchin genah suci, minakali pamerajan, risampun keparitatan olih Prejuru, wenang sang nruweng kelanda mebuha agung tebasan-tebasan prayascita, durmangala utawi pance sate meulu bebek belang kalung, bilih-bilih jentos ngeletchin Kehyagen Desa utawi pure pemeksan.
- (4) Krema Desa patut nyenggre wewalungan miwah serwa preni, ten kepatut ngemsieng pekai, nuba ulas miwah sane sewosan.

Keping 5

B h e y e

Pawos 29

- (1) Peri indik bhaye laire : jiwe bhaye, erta bhaye (kependungen), geni bhaye, toys bhaye, lindu bhaye, duracera ring agane.
- (2) Sang manggihin kehaneu jiwe bhaye, patut nepek kulkul balus manut pawos 16 engke 3 aksara a.

(3) Prade ring Desa kehanan jiwa bhaya, patut Desane ngaturang bhuta yadnya tur sang mayaning katur ring sang ngawe-wenang, prabiya bhuta yadnya ketiba ring lumaksana.

(4) Prade wenten jedma mamisah utawi ngumen-umen jedma tios kekenening pamidaniq biya penyamil miwah tatebasan prayascita.

Pawos 30

(1) Sang manggihin kehanan arta bhaya (kamalingen) patut ngukul mepitulung anut ring pawos 16, angka 3, aksara 4, utawi sang kamalingen atur supekas ring Prajuru Desa, saha sang lumaksana katur ring ngawewenang, maweweh panyangaskara prade maling bereng sinanggeh suci.

(2) Prade wenten jedma manggihin maling ten nyedoken ring Prajuru Desa jantos jalma tios nyedoken, patut kedanda kedi dandening maling, sakweh pangergen manut pararem, saruron ring dusta ngeran.

(3) Prade ping tiga melaksana asapunika wenang kesukserah ring sang ngawewenang .

(4) Prade wenten jedma ngerereh reremon, minakadi deus kelapa, ron, lsp. tenpe sedok ring sang nruwenang, raris kecunduk/katengehan patut keni pidanda kedi dandening maling.

(5) Yenin wenten jalma ngranjing kepekubon wyalin pekerengen rikala suwung, mawastu sang madruwe kerang kaicalan wenang jedma inucep ketuwekeng antuk madewa saksi ring Pura Bale Agung.

(6) Mangda ten ketuwekeng manut kedi ring ajeng, asing-asing ngranjing kepekubon jedma tios patut :

a. Matengeren suara (makswuken)

b. Nyantos sang nruwenang kerang rawuh, utawi mesedok ring penyandling pinih nempak, maka bust pgranjinge.

c. Pameial kerangnye kelagingin sawen, maksihna pengarah rikala suwung.

Kaping 6
Penyanggran Banjar
Pawos 31

- (1) Krème Desa rikala ngewentenang karya Suka Duka, patut kesang-
gra olih banjar, luire :
- a. Prade ngewangun Pitra Yadnya utawi Manusa Yadnya, manut pinunas sang mayednya.
 - b. Pangrombo/karya jentos ping tige utawi langkungan patut katuran pengingu.
 - c. Pangingu rikala Pitra Yadnya enut abot dengan Yadnya.

SARGA IV

SUKERTA TATA AGAMA

Palet 1

Indik Dewa Yadnya

Pawos 32

- (1) Palinggih penyiwian sawidengan Desa Adat Batuaaji luire :
- a. Khyengen Tige, makadi : Pura Desa/Bale Agung, Pura Puseh miwah Pura Dalem.
 - b. Pura Pengulun Desa / Pura Manik Kembar / Pura Alit.
 - c. Panyungsungan Ratu Gede.
- (2) Rahine piodelan suwang-suwang Khayengen inucep, kedi ring sor:
- a. Pura Desa/Bale Agung rikala Purnamening Kapat.
 - b. Pura Puseh rikala dina Buda Umanis Medangsis.
 - c. Pura Dalem rikala dina Caniscara Kliion Kuningan.
 - d. Pura Pengulun Desa rikala dina Purnamening Kapat.
 - e. Penyiwian Ratu Gede rikala dina Anggara Kelion Tambir.
- (3) Pengaci ring Pura inucep manut kecap sasstra Agama, saha kelaksanayang nista, melis, utama manut kewentenen lan pararem.
- (4) Pengaci-sci Pura ring ajeng keemong olih Krème Desa.

Pawos 33

- (1) Ring suwang-suwang Pura inucep keadegang Pamangku.
- (2) Ngadegang Pamangku manut dudonan :

a. Nyanjan....

a. Nyanjung utawi masmurang, mapitages mapinunas ring ajeng natar pura nyalin ke Pura Desa manawi ring ballan son-teng, lan sapanunggilennya.

b. Turunan utawi ngawaris.
c. Kasatri olih Krama Desa.

(3) Tan kenenang anggen Pamangku luire :

a. Ceta-angga, luire : peceng, perot, cungih lan sapanunggilan.
b. Sang sapasira ugi sane tan kepatutang manut pararem.
c. Sakit ila, ayan, buduh utawi elan.
d. Sane madrebo kasucian kauripan tan becik.

(4) Trebiya kepemangkuan :

a. Adikse Widhi (ngewintenang), kamelalin sahe kalaksanayang antuk sang ngadegang mekadi Krama Desa.
b. Napitra yadnya riwekas prade kulawarga Pamangku tan mre-sidayang, patut kasungkemin olih Krama Desa.

(5) Pamangku patut ngemenggeheng sasananing Pamangku, luire tan wenang ajajuden minah sane sewosan manut sastre agama.

Pawos 34

(1) Swadhermaning Pamangku, luire :

a. Ngenterang Upacara piodolan ring khayangan utawi ring sueng-suang kekubon Krama.
b. Tan wenang salab-sulub, yan mamurug wenang Pamangku inu-cap nyepuhin raga.
c. Prade sinalih tunggil Pamangku kapiasang utawi cuntaka, kenglin nguntap Pamangku tiosan utawi nukur sang sulinggih.
d. Semalihé yan sampun Pamangku ngeyah ring pura, kancit wenten kulawarganis seda/padem, mangku inucap tan keneng cuntaka, sakewanten mangku tan budal salami piodolan.

Pawos 35

(1) Patitis utawi olih-olihin Pamangku, luire :

a. Sarin cenang pakubon Krama Desa.
b. Upon palaba carik manut pararem.
c. Luput pekeryan, urunan lan rerampen/reramon, sejawanin pamelal wewangunan.

Pawos 36

- (1) Pamangku kagentosin riantukan :
- a. S e d a.
 - b. Pinunas ngerage, menawi kageringan utawi sapanunggalania.
 - c. Kawusang olih Krama Desa menawi nilar sasana.
- (2) Prade Pamangku kawusang sangkaning malaksana nilar sasana, keni pamidanda manut pararem saha ngawaliang prebiya pawintenan pecak.

Pawos 37

- (1) Kasukertan Kahyangan kadi ring sor :
- a. Tan kelugra ngranjing ke Pura luire :
 1. Sang ketiben cuntaka.
 2. Makta sehanan barang sinanggeh ngaletihin.
 3. Sato agung, sajawaning rikala mepada.
 4. Mabusana tan manut kadi tatacaraning ngranjing ke Pura.
 5. Sadereng polih uak-uakan/pituduh Prajuru Desa.
 - b. Pratingkahe tan wenang ring Pura :
 1. Mesumpah (cor) sejawaning pituduh Prajuru Desa.
 2. Makobetan, masanggama, masesenengan, mekolem dados asiki lanang wadon, mebacin, mawiyawahara, nyangsang busama, menehin pusungan (rikala mejahitan patut meconger lidin busung maka penekek pusungan).
 3. Macecepin.
 4. Mungguh tedun palinggih sejawaning pituduh Prajuru Desa.
 - c. Sang mamurug kecaping ring ajeng, keni pamidanda manut pararem.

Pawos 38

- (1) Yenin wenten jadm kerawuhan ring Pura, kengin kapintonin prade ruma kasumangsayan, yan tan wiakti, jadm inucap keni pamidanda manut pararem.

- (2) Prade Khayangan kahanan durmangala, minakadi bhaya, sang manggihin digelis nyadokang ring Prajuru, selantur ipun mangda maruman Krama Desa tur ngawentanang pamrayascita sepatutnya.

Palet 2

Indik Resi Yadnya

Pawos 39

- (1) Sang pacang madeg pandita utawi pinandita minakadi balian sonteng, dalang, sakeluiring jagi ngenterang yadnya, patut masadok ring Prajuru miwah parisada Hindu Dharma Indonesia.
- (2) Prajuru Desa patut ngawas nitenin tur naweng ngalangin prade wenten kacihnan sasar kakecap manut sastra agama miwah drestane, saha sareng nyaksining upacarannya, tur nyobyahang ring paruman Desa, tegap rawuhing wabes kawewangannya, ngenterang yadnya.
- (3) Krama Desa patut ngaturang ayah sapemadeg miwah pinandita pangelepas sang sulinggih miwah pinandita riwekas ketuntun antuk Prajuru Desa.

Pawos 40

- (1) Sang Sulinggih utawi pinandita patut ngeriyinin muputan Yadnya ring wewidangan jagat Batujaji, wawu muputang yadnya ke dura desa.
- (2) Krama Desa sami patut sareng ngawas nitenin saha ketuntun olih Prajuru, mangda sehanan yadnya sane kewentanang kaicen pemuput olih Pedanda utawi pinandita manut kewenangannya suang-suang.

Palet 3

Indik Pitra Yadnya

Pawos 41

- (1) Pemargin Pitra Yadnya madudonan manut sekadi ring sor :
- a. Pengupakaran sang kelayu sekar :
1. Antuk mendem utawi ngeseng, makacihna pekingsan ring Ibu Pertiwi utawi ring Bhetara Brahma, selami

nutupan prebeaya.

2. Atiwa-tiwa (upacara pengabenaan/pelebon).
- b. Upacara upacara Pitra Yadnya riwusan kabenang mawastu mungгах daun binglin (ngerorasin).

Pawos 42

(1) Swadharmaning lan tategenan prade wenten sinalih tunggil

Krama kelayu sekar :

- a. Sang kaduhkita patut :

1. Nyadokan ring Kelian Banjar tur nunas tatimbangan ring kewentennya.
2. Ngaturin Banjar ngerombo mekarya eteh-ete miwah ngater ke setra, tur kedulurin panyambrama saka sidan.

- b. Swadharmaning Banjar :

1. Kelian Banjar maritatas pamargin sang kaduhkitan, naplke pacang kapendem, mekinsan, utawi kabenang.
2. Prade kapendem, rarls nyuarayang kulku petahu kadi pawos 16, angka 3, aksara b, antuk Kelian Banjar utawi waklinya.
3. Penyanggran Banjar selanturnya :
 - a. Soang-soang Krama Banjar nedunin patus manut pararem.
 - b. Ngerombo ngaryaning eteh-ete sawa tur kasarengin olih Krama sane rauh meksian.
 - c. Sani Krama Banjar nganter kasetra jantos pamendem-an puput.
 - d. Sawusan mendem Krama Banjar keaturin natap banten Prayascita ring jaba Pura Dalem.
 - e. Tan kengin nyekoh langkung ring 7 (pitung) wahl-na, tur patut polih pangebagan manut paetangan Kelian Banjar, sejawanin pamangku Kahyangan Desa.
 - f. Tan kalugra nginepang bangbang, miwah mendem rikala : Pasah, Semut sedulur, Kala Gotongari,

Ingkel Wong, Was Penganten, Larung Pegelangan
 (Waspati tang/pang, ping 6) Prewani, Purnama,
 Tllem, Rehina Plodalan Penyiwian Desa, Sukra Uma-
 nis Tolu (dina kepingit),
 E. Prade wenten kelayu sekaran rikala plodalan utawi
 Karya ring Kahyangan Desa sesampune nanceb taring,
 kengin mendem tanpa sadok tur memargi wengi kase-
 tra sasilliban.

Pawos 43

(1) Sane sinanggeh cuntaka sakadi ring sor :

- a. Cuntaka antuk kelayu sekaran.
- b. Cuntaka antuk ngraja swala.
- c. Cuntaka antuk ngembasang putra.
- d. Cuntaka antuk keruron.
- e. Cuntaka antuk sakit ile, buduh.
- f. Cuntaka antuk pawiwahan.
- g. Cuntaka antuk gamia gamana.
- h. Cuntaka antuk salah tlmpal.
1. Cuntaka antuk Istri mobot nenten kaupakara pabeyakaonan tur pewidwedana.
- j. Cuntaka antuk memitra ngalang.
- k. Cuntaka antuk anak Istri ngembasang putra sedurunge ma-
 upakara pablukeonan tur pawidwedana.
- l. Cuntaka antuk sad atatayi.

(2) Sengker cuntaka manut kawentenanis :

- a. Cuntaka kelayu sekaran, cuntakanis manut sakadi loka
 dresta mlwah sastra dresta.
- b. Cuntaka ngraja swala, cuntakanis tigang rahina utawi
 wusan mabersih.
- c. Cuntaka ngembasang putra, sane Istri 42 rahina (abulan
 pitung rahina) ngawit sakeng putrane embas, utawi ngan-
 tos keupakarayang makakambuhan tur meprascita, sane la-
 nang ngantos kepus wedel saha maprayasaita.

- d. Cuntaka kruron, cuntakanna abulan pitung rahina (42-rahina) tur sampun metirtha pemrasolta.
- e. Cuntaka pawlwaan, cuntakanna ngantos sesampune metir-
tha pablukaonan.
- f. Cuntaka gamla gamana, cuntakanna ngantos sasampune ka-
palasang/mesapihan tur sampun kawentenang pemrasolta
raga, miwah sasampune kawentenang pemrasolta Desa Adat/
Kahyangan.
- g. Cuntaka salah timpal, cuntakanna manut sasatra agama,
miwah loka dresta.
- h. Cuntaka anak istri mobot tan keupakara pablukaonan,
cuntakanna ngantos sesampune sinangaskara pablukaonan.
- i. Cuntaka memitra ngalang, cuntakanna ngantos kawentenan
upakara pablukaonan.
- j. Embas putra nenten kawentenan upakara pablukaonan miwah
upakara pawidhi wedana, cuntakanna ngantos wenten sane
memeras sang putra, tur keupakara manut sasatra agama.
- k. Cuntaka Sad Atatayi, cuntakanna ngantos sampun meppras-
cita raga tur nenten plisan kedadosan meupakara padwija-
tian.
- (3) Cuntaka kelayu sekaran/kepademan :
- a. Sawa kependem cuntakanna :
1. Cuntaka/sebel kebanjar ngantos tigang rahina riwusania
mendem utawi sesampun polih prasolta (mapegat).
 2. Kulawargania sajeroning pekarangan ngantos 42 rahina.
- b. Sawa kaabenang, cuntakanna :
- Sang nyambut karya Plitra Yadnya, cuntakanna ngawit saking
nanceb rawuh riwus yadnyannya (mapegat).
- (4) Sane katiba cuntaka luhre :
- a. Kelayu sekaran sane kecuntakan :
1. Sang sane kelayu sekaran.
 2. Kulawargania.
 3. Banjar.

- b. Ngraja swala sane cuntaka :
 - sang sane ngraja swala.
 - c. Ngembas putra sane cuntaka :
 - yayah rena saking putra sane embas.
 - d. Pawiwahan sane cuntaka :
 - sane keupakarayang pawiwahan lanang wiadin istri.
 - e. Kruron sane cuntaka:
 - sang sane kruron.
 - f. Gamia gamana sane kacuntaka :
 1. Sang sane nglaksanayang gamia gamana.
 2. Desa Adatnyane.
 - g. Anak istri mobot nenten keupakara pabiukaonan, sane cuntaka :
 - sang sane meraga istri (sane mobot)
 - h. Mamitra ngalang sane cuntaka :
 - sang sane ngelaksanayang mamitra ngalang.
 - i. Ngembas putra nenten keupakara pabiukaonan miwah upakara pewidthi wedanan sane cuntaka :
 1. Sang sane ngembasang putra.
 2. Putra sane embas.
 - j. Ngelaksanayang Sad Atatayi sane cuntaka :
 - sang sane ngelaksanayang Sad Atatayi.
- (5) Tan keneng cuntala luire :
- Sang sulinggih lan Pamangku Kahyangan Desa sejawaning naben ida lan pagurwan pamangku inucap.

Pawos 44

- (1) Atiwa-tiwa (Pengabenan) kelaksanayang sekadi ring sor :
- a. Nyawa Resi (Nyuasta geni), seantukan ten ngagah menawi sawa tan kekeniang.
 - b. Sawa preteka.
 - c. Sawa wedana.
 - d. Asti wedana.
 - e. lan sane sewosan manut sastra agama.

- (2) Panemayan wenten kalih pawos :
- a. Ngaben dadakan/bah bangun, kedadosan sajeroning tiga ngantos pitung rahina.
 - b. Ngaben ngemasa ring Banjar kelaksanayang kinembulan.
- (3) Dudonan pangabenan ngawit saking ngagah (seda), ngeseng jantos pangiriman utawi nganyut rawuh ngrorasin.

Pawos 45

- (1) Peputusan pangabenan wenten kalih pawos :
- a. Patus seda kapendem manut pararem.
 - Krama Banjar ngerombo pekaryan upacara pamendeman rawuh nganter kesetra.
 - b. Patus atiwa-tiwa (upacara pangabenan)
 1. Suwang-suwang Krama Banjar ngamedalan patus manut pararem.
 2. Krama Banjar ngerombo pekaryan upacara pangabenan rawuh nganyut / pengiriman.
 3. Sang nyambut karya atiwa-tiwa ngaturin panguwu Krama Banjar manut pararem.

Palet 4

Indik Manusa Yadnya

Pawos 46

- (1) Manusa Yadnya inggih punika upacara-upacara dharmaning manusa, ngawit saking patemoning kama bang lawan kama petak sajeroning garba ngantos kelayu sekaran riwekas.
- (2) Upacara ring ajeng madudonan sekadi ring sor :
- a. Megedong-gedongan duk pangerempinian 1 biyang.
 - b. Duk sang kamareka medal.
 - c. Kepus odel.
 - d. Roras rahina.
 - e. Tutug kambuhan (42 rahina)
 - f. Nigang sasihin (3 sasi).

g. Pewetuan.....

- g. Pewetuan/oton/odalan (6 sasih).
 - h. Tutug kelih (ngraja swala wadone/ngembakin lanange.
 - i. Matatah/mepandes.
 - j. Mawiwaha.
 - k. Mawinten.
- (3) Upacara - upacara inucap nista, madia, utama manut sastra agama saha catur dresta.

Palet 5

Indik Bhuta Yadnya

Pawos 47

- (1) Bhuta Yadnya inggih punika upacara-upacara byakala ring Pretiwi lan Kahyangan, sarwa prani saha upacara-upacara ring Bebhutan.
- (2) Upacara pabyakala ring sarwa prani, luire :
 - a. Ring sarwa tumuwuh rikala Tumpek pangatag (C.K. Wariga)
 - b. Ring sarwa ingon-ingon rikala Tumpek Kandang (C.K. Uye)
 - c. Upacara pekala -kalaan manusa manut wiguna kebawos pebyakala.
 - d. Ring sarwa sanjata rikala Tumpek Landep.
- (3) Upacara pabyakala ring pretiwi, Kahyangan lan bebhuta kewastanin Pacaruwan.
- (4) Pacaruwan inucap ring ajeng : nista, madia, utama manut wiguna kadi ring sor :
 - a. Eka sata.
 - b. Panca sata.
 - c. Panca sanak.
 - d. Resi Ghana.
 - e. Panca kelud.
 - f. Taur agung.
- (5) Sajawaning kadi ajeng kawentenang upakara :
 - a. Masaiban utawi yadnya sesa nyabran wusan ngerateng.
 - b. Mesapuh-sapuh rikala pacang wali ring pura.

Pawos 48

- (1) Ngangken nbewarsa rikalaning Tilem kesanga kawentenan Tawur Kesanga, saha ngerupuk, makacihna pacang mapag rahina Penyepian benjangne.

- (2) Upacara Penyepian sane kemargiang antuk Krama Desa :
- Amati gheni : ten kengin meapi-api.
 - Amati karya : ten kengin nyambut karya.
 - Amati lelanguan : ten kengin meoneng-onengan, mesuara gora lan sapanunggalannya.
 - Amati lelungan : ten kengin lunga masanjan.
- (3) Pabratan inucap kemargiang saking semeng ngantos semeng benjangnyane.
- (4) Sang mamurug kecapiring ajeng keni pamidanda manut pararem Banjar/Desa, kemargiang antuk pecalang Desa.
- (5) Riwus rahina Nyepi (benjangne) makacihna pengawit Içaka warsa, patut suang-suang Krama Desa sami pada ngaksama utawi madharma santi.

SARGA V

SUKERTA TATA PAWONGAN

Palet 1

Indik Pawiwahan

Pawos 49

- (1) Pawiwahan inggih punika patemoning purusa pradana, melarapan penunggalan kayun suka-cita kadulurin antuk upasaksi sakala niskala.
- (2) Pemargin pawiwahan luire :
- Papadikan, kamanggala antuk pakrunaan.
 - Ngerorod, ngerangkat riyin wawu kekerunayang.
 - Nyeburin utawi nyeburin (risampun nganutin upacara pe-merasan).
- (3) Pidabdab sang pacang mawiwaha patut :
- Sampun manggeh dehe taruna (presida nganutin undang-undang sakeng sang ngawewenang).
 - Sangkaning pada lila (tan kepaksa)
 - Manut kecaping agama (tan gamia gamana)
 - Kasudiwadaniang prade pengambile tios agama.
 - Kapati wangi prade pangambile singgihan wangsa.

- (4) Pamargin pawiwahan mangda taler nganutin undang-undang perkawinan sakeng sang ngawiwenang.

Pawos 50

- (1) Pawiwahan sane kapatutan ring Desa, sekadi ring sor :
- a. Sampun kamargiang pabyakalan utawi pesakapan, kapuput olih pandita utawi pinandita.
 - b. Wenten pasaksi Prajuru sane mepakelingan utawi ngilikitayang pawiwahan.
 - c. Sampun matengeran suaran kulkul.
 - d. Pawiwahan inucap ring ajeng sampun kailikitayang ring sang ngawewenang.
- (2) Pawiwahan sane tan manut kadi ring ajeng sinanggeh tan patut.

Pawos 51

- (1) Tatacaraning perabian patut sekadi ring sor :
- a. Sapasira ugi pacang ngawarangang pakulawangan patut mesadok ring Prajuru, selanturnya Prajuru maritatas manut tan manut kakecap perabiane.
 - b. Pemargin pepadikan manut dudonan :
 1. Pekrunaan jantos ping tiga, saha suang-suang melarapan:
 - a. Kepertama antuk canang amalaku canang pangrawos.
 - b. Kaping kalih makruna antuk canang.
 - c. Kaping tiga pemuput.
 - d. Yan tan ping tiga manut paiguman kulawarga lanang wadon.
 2. Risampun mepragat raris sang istri keajak budal ring pekubon sang lanang, saha kelanturan antuk pabyekala.
 3. Mangda pragat tumus sekala niskala, raris kulawarga purusa makta jejauman saha pejati ring pamrajan wadone.
 - c. Prade ngerorod/ngerangkat patut :
 1. Reraman lanange ngawentenan pamilaku antuk dutta sekiranya 2 (kalih) diri, matengeran antuk suar.
 2. Pagenahan antenane tan kengin ring pakubon sang lanang sedereng mebyekala.

d. Sejeroning pakrunan/pengelukuan patut :

1. Kamanggala antuk geng pengempura arep ring reraman wadone.
2. Kaiguman bawos idih-pekidih utawi pelegayan arep ring pasuakan sang ngidih saha dewasa pekerab kambeanne ri wekas.
3. Kacihnayang indik kepurasa utawi prade sentana rajeg kejejerang patut ngidih anak lanang sane kebawos pawiwahan nyeburin, tur risampun sulur pamerasan ketegepin, kemanggehang sentana nyeburin.
4. Prade tan ketrima pejatine, pekrunan kemargiang jantos ping tiga.

e. Pakerab kambean mapitegas upacara tinas apadang (puput) mapikuren, duaning manut sekadi ring sor :

1. Sajeroning kebawos ambe, kelaksanayang ring sekala niskala antuk serana jejauman miwah widi widana :
 - a. Jejauman pinaka ngambe/ngadungan kayun suang-suang pakula wargan wadone.
 - b. Widi widana pinaka pejati niskala nunas wadone ring pemerajan kamulane.
2. Sejeroning kebawos kerab pelaksana ring sekala :
 - a. Antuk penyaksi Krama Banjar, duaning pawiwahane macihna tengeran kulkul.
 - b. Pemekas penyaksi Prajuru saha ngilikitayang.

Palet 2

Indik Nyapian

Pawos 52

- (1) Pawiwahan prasida kewusan melarapan antuk palas perabian utawi kepademan.
- (2) Uwusan mapikuren riantukan salah sinunggil seda mapiteges balu, mekadi balu lanang/istri.
- (3) Palas meperabian wenten kalih pawos, inggih punika sangkaning pada lila miwah mewiwit wicara.

d. Sejeroning pakrunan/pengelukuan patut :

1. Kamanggala antuk geng pengempura arep ring reraman wadone.
2. Kaiguman bawos idih-pekidih utawi pelegayan arep ring pasuakan sang ngidih saha dewasa pekerab kambeanne ri wekas.
3. Kacihnayang indik kepurasa utawi prade sentana rajeg kejejerang patut ngidih anak lanang sane kebawos pawiwahan nyeburin, tur risampun sulur pamerasan ketegpin, kemanggehang sentana nyeburin.
4. Prade tan ketrima pejatine, pekrunan kemargiang jantos ping tiga.

e. Pakerab kambean mapitegas upacara tinas apadang (puput) mapikuren, duaning manut sekadi ring sor :

1. Sajeroning kebawos ambe, kelaksanayang ring sekala niskala antuk serana jejauman miwah widi widana :
 - a. Jejauman pinaka ngambe/ngadungan kayun suang-suang pakula wargan wadone.
 - b. Widi widana pinaka pejati niskala nunas wadone ring pemerajan kamulane.
2. Sejeroning kebawos kerab pelaksana ring sekala :
 - a. Antuk penyaksi Krama Banjar, duaning pawiwahane macihna tengeran kulkul.
 - b. Pemekas penyaksi Prajuru saha ngilikitayang.

Palet 2

Indik Nyapian

Pawos 52

- (1) Pawiwahan prasida kewusan melarapan antuk palas perabian utawi kepademan.
- (2) Uwusan mapikuren riantukan salah sinunggil seda mapiteges balu, mekadi balu lanang/istri.
- (3) Palas meperabian wenten kalih pawos, inggih punika sangkaning pada lila miwah mewiwit wicara.

- (4) Sang ayat palas merabian patut atur supekse pailikitam riyin ring sang rumawos wastu tinas apadang pmutuse kebawos nyapian wawu Prajuru nyiarang kawentenannya ring Desa saha keni pamelin kulkul manut pararem.

Pawos 53

- (1) Tatacara palas perabian sangkaning pada lila sekadi ring sor :
- a. Naur prebya pesaksi sinalih tunggil sami pada atenga.
 - b. Pegunakayan polih pahan pada.
 - c. Pebekel tatadan suang-suang kekuasa niri-niri miwah warisan kekuasa antuk purusa.
 - d. Ngeweruhin miwah ngupajiwen pertisentana manut swadharmaning guru rupaka .
 - e. Nawur pamidanda nebas kulkul manut pararem.

Pawos 54

- (1) Prade riwekas sang palas kecihnan adung malih, patut :
- a. Ngelaksanayang pawiwahan malih.
 - b. Keni danda nikel sakeng palase yadiastun palase pecak sangkanin pada lila .

Pawos 55

- (1) Sang balu kabinayang dados :
- a. Balu luh wit sentana (sentana rajeg) miwah balu luh boya sentana.
 - b. Balu muani kepurusan (wit sentana) miwah balu muani nyeburin (boya sentana).
- (2) Swadharmaning balu inucap patut :
- a. Ngemanggehang patibrata tan kengin ngemargiang para-dara/drati krama.
 - b. Ngewasayang waris, pegunakaya, tan dados ngadol, ngadeang mekidihang lan sewosan punika, sejawaning kebebasan saking pianak utawi kulawarga pinih tampek sakeng kurenannya prade pianak kantun alit-alit.
 - c. Kengin ngidih sentana wenten pidabdab sedurung sinalih tunggil padem, saha kebebasan antuk kulawarga sinanggeh

kepurusa.

- d. Kadadosang mawiwaha malih, prade wenten kebebasan antuk aksara b ring ajeng.

Pawos 56

- (1) Balu kaucap tan pageh sekadi ring sor :

- a. Dratikrama utawi para-dara.
- b. Matilar sakeng pakubon tanpasadok jantos 6 (enem) sasih.
- e. Lempas ring swadharma sewos-sewosan, tan prasida ngesehin solah prewertu arep ring pituduh kulawarga purusa sane patut.

Palet 3

Indik Sentana

Pawos 57

- (1) Sentana wenten kalih pawos, sane keucap pertisentana miwah sentana peperasan.
- (2) Pertisentana inggih punika sentana sane metu sakeng pawiwahane kapatut.
- (3) Prade Pawiwahane tan kapatut, ngawetuang sentana, mangda tan kantub kewastaning babinjat utawi astra, yogya kamanggala antuk pengaskara peperasan.
- (4) Prade pawiwahane tan ngawetuang sentana kengin ngidih sentana antuk upasaksi sekala niskala sane kewastanin sentana peperasan.
- (5) Sentana rajeg inggih punika, pertisentana wadon (predana) sane kemanggehang lanang (purusa) tur risampun ngelaksanayang pawiwahan nyeburin.
- (6) Sang sane dados kearsayang sentana rajeg inucap wiwit (5), inggih punika :
 - a. Pertisentana wadon tunggal.
 - b. Sampun kemanggehang dados pertisentana lanang (purusa).
 - c. Kepewiwahan keceburin, keutamayang antuk jadma sane meagama hindu utawi jadma sane sewosan sane sampun ngelaksanayang sudhi wadani.

d. Sane manggehan sentana rajeg patut mesadok ring Prajuru Banjür tur Kelian Banjar Patut nyobyahang ring Banjar saha ngaturang ring Prajuru Desa Adat.

Pawos 58

- (1) Ngangkat sentana manut dudonan patut makacihna upacara pamerasan sane kesinaksiang sekala niskala.
- (2) Sapasira ugi Krama pacang ngidih sentana patut mesadok ring Bendesa sanistane tigang sasih sadereng pamerasan .
- (3) Bendesa Adat nyobyahang ring paruman Desa, sang sapasira ugi rumaksa tan lila mangda nyadokan masengker kalih wuku sebanen pamerasan ring Bendesa Adat.
- (4) Prajuru/Bendesa Adat digelis mawosin saha ngicening pamutus nepek ring catur dresta miwah pararem.
- (5) Prade sulur paperase tan manut ring kecaping ajeng, Prajuru Desa wenang ngandeg sang pacang mekarya, saha ngicening penuntun, mangda kepuputan riyin bebawos sulur utawi wicarannya.

Pawos 59

- (1) Peprasan sane kepatutan ring Desa risampune makacihna:
 - a. Widi widana pemrasan.
 - b. Kesaksinin antuk Prajuru Desa sane mekelingan utawi ngilikitayang
 - c. Kasobyahang ring paruman Desane.
- (2) Sane kpatut peras angge sentana kadi ring sor :
 - a. Jadma maagama Hindu.
 - b. Pepernahan nedunang sakeng sang meras.
 - c. Kulawarga sakeng purusa, prade ten wenten kengin saking wadon.
 - d. Kautamayang saking waris pancer kapurusa.
 - e. Sinalih tunggil mawiwit saking keluarga tunggal sanggah utawi merajan, paibon, lan dadia utawi ngambil anak tios sakewanten maagama Hindu.
- (3) Kengin ngangkat sentana langkungan ring adiri, lanang wiadin wadon.

Palet 4

Indik Warisan

Pawos 60

- (1) Warisan inggih punika tetamian arta brana saha ayah-ayahan ngupadi kasukertan sakala niskala saking kaluwurania arep ring turunanya.
- (2) Kang sinanggeh warisan :
- Due tengah, mekadi ayahan Desa, Kabhyangan, pusaka siwa kerana, lsp.
 - Pamerajan.
 - Pegunakayan, tetatadan/jiwa dana, utang-piutang.
- (3) Wawu kengin kebawos warisan prade wenten :
- Sang mapiturun (pewaris)
 - Keturunan (ahli waris)
 - Arta berana miwah tategenan (ayah-ayah) utang makacih-na warisan.

Pawos 61

- (1) Ahli waris luiire :
- Pretisantana purusa.
 - Pretisantana predana (sentana rajeg)
 - Santana paperasan lanang/wadon.
- (2) Prade tan wenten sekadi ring ajeng, kang sinanggeh ahli waris:
- Turunan purusa pernah ngunggahan : rerama lanang, pekak selantur ipun, miwah rerama misan mindon .
 - Turunan purusa pernah kesamping mekadi : keponakan, misan miwah mindon.

Pawos 62

- (1) Swadharmaning ahli waris patut :
- Narima saha nguasayang tetamian pahan saking kaluwurania, mekadi ngempon sanggah, Pura saha pengupakarania miwah nyeledihinin ayah-ayaham pawaris.
 - Ngabenang pewaris saha ngelanturang upacara-upacara pitra.
 - Nawurin utang-utang pewaris sane manut pangelokika.

Pawos 63

- (1) Pengepahan waris manut sakadi ring sor :
- a. Risampune kelaksanayang Pitra Yadnya lan utang-piutang pewaris buntas ketawur.
 - b. Para ahli waris polih pahan pada sangkaning pegunakayan, sejabaning karang/tegal ayahan Desa keamong olih ahli waris kang sinanggeh Krama ngarep.
 - c. Sinalih tunggil ahli waris kengin tan polih pahan :
 1. Nilar kawitan lan sesananing Agama.
 2. Alpaka guru rupaka.
 3. Sentana rajeg miwah pretisentana nyeburin kesah mewiwaha malih suang-suang kebawos ninggal kadaton.
 - d. Boya ahli waris kengin muponing hasil manut dudonan luire:
 1. Sentana luh, dereng kesah mawiwaha tan alpaka guru, prade maderbe pianak tan keangkenin antuk wong tua sentana luh inucap, kengin ngewaris, wantah polih pahan pagunakayan sentana luh inucap kemawon.
 2. Balu luh wiadin muani nyeburin (suang-suang boya sentana).
 3. Mulih dohe utawi teruna riantukan ring pawiwahane pecak sampun ninggal kadaton.
 - e. Pawaris kengin mepeweweh jiwa dana/tatadan, bekel ring pianak sane kesah mawiwaha.

Pawos 64

- (1) Prade sajeroning pakulawarga wenten ahli waris langkungan ring adiri,patut :
- a. Kawentenan paiguman indik pedum waris inucap.
 - b. Yen tan presida ketunasan tatimbang ring prajuru Desa.
 - c. Prade taler tan wenten cumpu ring panepas Prajuru Desa, kengin ketumusan ring sang rumawaos.
- (2) Prade wenten karang kaputungan, patut Prajuru niwakan ring:
- a. Sang sinageh ahli waris manut pawos 61.

- b. Sang kengin anggen sentana manut pawos 59, angka 2 mi - wah 3.
 - c. Prade taler tan cumpu ring panepas Prajuru kengin nunas- an ring sang rumawos.
- (3) Prade jantos karang Desa kepah utawi kesepih, patut suang- nedunin makrama Desa marep.

SARGA VI

WICARA LAN PAMIDANDA

Palet 1

Indik Wicara

Pawos 65

- (1) Sane wenang mawosin makadi mutusang wicara ring Desa inggih punika Prajuru Desa sinanggeh Kerta Desa.
- (2) Prade sang mawicara tan wenten cumpu ring pamutus Kerta Desa, kengin nunasang wicara inucap ring sang rumawos.

Pawos 66

- (1) Sehananin wicara mawiwit kacorahan sakeluire sinanggeh nung- kasin awig-awig, pararem miwah pasuara Desa/Banjar, Prajuru patut digelis mawosin tan nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
- (3) Panepas patut pastika nyantenang iwang patut malarapan Tri Premana (saksi, ilikita, bukti) miwah tan maren nepek ring catur dresta.

Palet 2

Indik Pamidanda

Pawos 67

- (1) Desa/Banjar wenang niwakang pamidanda ring Krama Desa/Banjar sane sisip.
- (2) Paniwak inucap kelaksanayang olih Bendesa/Kelian Banjar.
- (3) Bacakan pamidanda luire :
 - a. Danda artha (danda rawuh panikelnya miwah penikel-peni- kel urunan)

- b. Panyangaskara.
 - c. Kanorayang.
 - d. Kedaut karang ayahannya.
- (4) Pamidanda sane ketiwakang patut masor singgih manut ring kesisipannya.
- (5) Jinah utawi raja brana pamidanda ngranjing dados druwen Desa/Banjar.

Pawos 68

- (1) Krama sane langkung ring tigang senger penauran ngelantur tan naur urunan miwah dedendan wenang kerampag.
- (2) Rerampagan ngangge tatacara kadi ring sor :
- a. Kelaksanayang olih Prajuru kesarengin antuk Krama tigang diri maka saksi.
 - b. Sang ngerampag sangkanin darsana ngambil barang utawi nyawenin tanem tuwuh, akehnya manut ring utang sang karampag.
 - c. Prajuru miteketang mangda barang-barang sane karampag digelis katebus, masenger asangkepan selantur ipun pacang kaadol.
 - d. Tan nganinin saluir barang sane patut inggilan manut agama miwah mademan pengupajiwa sang karampag.

Pawos 69

- (1) Prade sang pacang karampag ngewara (ngalangin) pelaksanaan inucap mewastu sampun tan nganutin awig-awig Desa, wenang karang Desa sane kagenahin kadaut antuk Desane.
- (2) Semaliha yan purun taler ngalangin pelaksanaan kadi ring ajeng tan wenten pemargi sejawaning kanorayang antuk krama Desane.
- (3) Pamindanda inucap ring ajeng keni buntas risampun sang kekanin :
- a. Nunas geng pangampura ring Krama Desa riantukan nguak pasubaya (pararem) pecak.

- b. Naur pengargan pasubayane duk pacang kerampag kedulurin prayascita penyasap kaiwanganne ring Desa.

SARGA VII

NGUWAH NGUWUHIN AWIG AWIG

Pawos 70

- (1) Nguwah nguwuhin awig-awig Desa puniki kalaksanayang antuk paruman Desa.
- (2) Awig-awig puniki kemargiang ngawit keingkupin (kararemin).

Pawos 71

- (1) Sakeluirin sane wenten saderengnya patut keanutang ring sedaging awig-awig puniki.
- (2) Sakeluire sane durung kebawos sajeroning awig-awig puniki patut kelaksanayang manut tatacara sampun memargi kadulurin antuk pararem-pararem.

SARGA VIII

P A M U P U T

Pawos 72

- (1) Awig-awig puniki keraremin duk rahina Redite Paing Dunggulan Pananggal ping 5, sasih Sadha, Içaka 1913, tanggal masehi : 19 Mei 1991 ring Bale Desa Adat Batuaji.
- (2) Awig-awig puniki kalingga tanganin antuk Prajuru Desa Adat, Prajuru Banjar miwah Adi-muka Desa Adat Batuaji, maka cihna pamikukuh, saha kecumponin antuk Kepala Desa Batubulan Kangin, miwah Camat Sukawati.
- (3) Luwir sang ngalingga tanganin :


I. Prajuru Desa Adat/Banjar Batuaji

1. Bendesa Adat




(I Wayan Jigra)

2. Pengeliman Bendesa Adat




(I Made Rugeng)

3. Penyarikan Bendesa Adat



(I Ketut Teker)

5. Kelian Banjar




(I Ketut Sambeh)

4. Petengen Bendesa Adat



(I Wayan Duwaja)

6. Pengeliman Kelian Banjar



(I Wayan Widia)

II. Adi Muka Desa Adat


1. Kelian Adi-muka



(I Wayan Kontra)


3. Penyarikan Adi muka


(I Wayan Merta)


5. Widang Parhyangan



(I Wayan Kanji)



(I Made Nuka)



(I Nyoman Murah)

7. Widang Palemahan



(I Ketut Suwih)


(I Made Pegeg)



(I Ketut Rajeng)


(I Made Baruk)


2. Pengeliman Adi muka



(I Ketut Kartu)


4. Petengen Adi muka


(I Wayan Jana)


6. Widang Pawongan



(I Made Susun)



(I Wayan Mandri)



(I Wayan Suja)

8. Sasepuh Desa adat


(I Ketut Rebeg)


(I Ketut Leda)


(I Wayan Luwes)


(I Ketut Dogoh)

III. N y u m p o n i n

1. Kepala Desa Batubulan Kangin

